

სამოსამართლო გამოცდილების არმქონე მოსამართლეობის კანდიდატის შეფასების ფორმა

მოსამართლეობის კანდიდატის ფიქრია სიჭტურაშვილის შეფასების შედეგი:

მოსამართლეობის კანდიდატის შეფასება კეთილსინდისიერების კრიტერიუმის მიხედვით		
მოსამართლეობის კანდიდატი არ აკმაყოფილებს კეთილსინდისიერების კრიტერიუმს		☐
მოსამართლეობის კანდიდატი აკმაყოფილებს კეთილსინდისიერების კრიტერიუმს		☐
მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს		☒
მოსამართლეობის კანდიდატის შეფასება კომპეტენტურობის კრიტერიუმის მიხედვით		
კრიტერიუმი	მიღებული ქულა	მაქსიმალური ქულა
სამართლის ნორმების ცოდნა	23	25
სამართლებრივი დასაბუთების უნარი და კომპეტენცია	22	25
წერისა და ზეპირი კომუნიკაციის უნარი	17	20
პროფესიული თვისებები	14	15
აკადემიური მიღწევები და პროფესიული წვრთნა	8	10
პროფესიული აქტიუობა	3	5
ქულათა ჯამი	87	100

ირაკლი ბონდარენკო

თარიღი: 7.07.2025





საქართველოს იუსტიციის უმაღლესი საბჭოს წევრი

ირაკლი ზონდარენკო

საქართველოს რაიონული (საქალაქო) სასამართლოების მოსამართლეობის კანდიდატა
შესარჩევ კონკურსში მონაწილე კანდიდატის ფიქრია სიქტურაშვილის შეფასება/დასაბუთება

საქართველოს იუსტიციის უმაღლესი საბჭოს 2025 წლის 25 თებერვლის №1/23 განკარგულების საფუძველზე დაიწყო კონკურსი საქართველოს საერთო სასამართლოებში 17 ვაკანტურ თანამდებობაზე მოსამართლეთა დანიშვნის მიზნით.

კონკურსის ფარგლებში განვახორციელე კანდიდატ ფიქრია სიქტურაშვილის შეფასება. შეფასების დასაბუთებისას ვიხელმძღვანელებ „საერთო სასამართლოების შესახებ“ საქართველოს ორგანული კანონის 35-ე მუხლის მე-3 და 34¹ მუხლის მე-11 პუნქტებით.

კანდიდატს აქვს უმაღლესი იურიდიული განათლება მაგისტრთან გათანაბრებული ხარისხი, სპეციალობით მუშაობის 22 წლიანი გამოცდილება.

კანდიდატი შევაფასე სამოსამართლო გამოცდილების არმქონე კანდიდატის შეფასებისთვის ორგანული კანონით დადგენილი მახასიათებლებით, საბჭოს სტრუქტურული ერთეულის მიერ მოპოვებული ინფორმაციისა და კანდიდატის საჯარო მოსმენის პროცესში გამოვლენილი პიროვნული და პროფესიული თვისებების გათვალისწინებით.

1. კანდიდატის შეფასება კეთილსინდისიერების კრიტერიუმით

სამოსამართლო გამოცდილების არმქონე კანდიდატის კეთილსინდისიერების კრიტერიუმით შეფასებისას მხედველობაში მიიღება 35¹ მუხლის მე-16 პუნქტით დადგენილი მახასიათებლები: პიროვნული კეთილსინდისიერება; პროფესიული სინდისი; დამოუკიდებლობა, მიუკერძოებლობა და სამართლიანობა; პიროვნული და პროფესიული ქცევა; პიროვნული და პროფესიული რეპუტაცია.

1.1. პიროვნული კეთილსინდისიერებისა და პროფესიული სინდისი

კანდიდატის შეფასებისას გათვალისწინება პირის როგორც მოქალაქის კეთილსინდისიერება, მოვალეობებისა და პასუხისმგებლობის პატიოსნება, შესაბამისი შეგნება, გამჭვირვალობა, კორექტულობა და სიზუსტე სამსახურებრივი თუ სხვა მოვალეობების, ფინანსური თუ სხვა ვალდებულებების შესრულებისას (მაგალითად, ქონებრივი დეკლარაციის შევსებისას, ბანკის ან სხვა ვალის, კომუნალური ან სხვა

გადასახადის გადახდისას, საგზაო მოძრაობის წესების დარღვევისათვის ჯარიმის გადახდისას) და სხვა.

ფიქრია სიქტურაშვილს რეკომენდატორები და სხვა გამოკითხული პირები ახასიათებენ როგორც კეთილსინდისიერ, შრომისმოყვარე, მოზანდისაზულ, ობიექტურ, პატიოსან, მოწესრიგებულ, პუნქტუალურ, შრომისმოყვარე, გაწონასწორებულ, თავაზიან, ბეჯით, ჰუმანურ, პასუხისმგებლობის გრძნობის მქონე პიროვნებას.

კანდიდატს აქვს მიმდინარე სესხები და დადებითი საკრედიტო ისტორია. სახელმწიფო ბიუჯეტის მიმართ დავალიანება არ ერიცხება. უძრავი ქონების რეესტრში არსებული ინფორმაცია შესაბამისობაშია ქონებრივი მდგომარეობის დეკლარაციასთან.

საქართველოს შინაგან საქმეთა სამინისტროს საინფორმაციო-ანალიტიკური დეპარტამენტიდან გამოთხოვილი ინფორმაციის თანახმად, კანდიდატს არ დაკისრებია ადმინისტრაციულ სამართალდარღვევათა კოდექსით გათვალისწინებული სახდელი.

ქალაქ თბილისის მუნიციპალიტეტის ტრანსპორტისა და ურბანული განვითარების სააგენტოს ინფორმაციით, ბოლო სამი წლის მანძილზე, კანდიდატის მიმართ არ შედგენილა საქართველოს ადმინისტრაციულ სამართალდარღვევათა კოდექსით გათვალისწინებული სამართალდარღვევის არცერთი ელექტრონული საჯარიმო ქვითარი.

1.2. დამოუკიდებლობა, მიუკერძოებლობა და სამართლიანობა

აღნიშნული მახასიათებლით კანდიდატის შეფასებისას გაითვალისწინება მისი პრინციპულობა, გადაწყვეტილების დამოუკიდებლად მიღების უნარი და ზეგავლენის მიმართ შედეგობა, პიროვნული სიმყარე და შეუვალობა და სხვა.

კანდიდატთან საქმიან ურთიერთობაში მყოფი პირების შეფასებით ფიქრია სიქტურაშვილს აქვს კანონის შესაბამისად, სამართლიანად და ყოველგვარი მიკერძოების გარეშე გადაწყვეტილების მიღების უნარი. მას ახასიათებს პრინციპულობა, პიროვნული სიმტკიცე, შეუვალობა. გადაწყვეტილების მიღების პროცესში შეუძლია იყოს დამოუკიდებელი საზოგადოებრივი და პოლიტიკური გავლენებისაგან. მას აქვს უნარი იყოს ნეიტრალური და მიუკერძოებელი. გამოკითხული რესპოდენტები მიუთითებენ, რომ კანდიდატი სრულად აკმაყოფილებს კეთილსინდისიერების კრიტერიუმს.

კანდიდატი არასდროს ყოფილა პოლიტიკური პარტიის წევრი/მხარდამჭერი და შემოძვრელი. კანდიდატის შესახებ ინტერნეტ სივრცეში ინფორმაცია არ იძებნება.

მოძიებული ინფორმაციისა და საჯარო მოსმენისას კანდიდატს არ გამოუვლენია რაიმე სახის მიკერძოებული დამოკიდებულება რომელიმე კონკრეტული ჯგუფის მიმართ.

1.2. პიროვნული და პროფესიული ქცევა

აღნიშნული მახასიათებლით კანდიდატის შეფასებისას გაითვალისწინება მისი კორექტულობა კოლეგებსა და სხვა პირებთან ურთიერთობისას, თავდაქერილობა, საკუთარი ემოციების მართვის უნარი, სასამართლოში წარმართული დავები, სადაც იგი მონაწილეობდა როგორც მხარე, მის მიმართ სისხლისსამართლებრივი ბრალდება (ასეთის ფაქტების არსებობის შემთხვევაში) და სხვა. საჯარო მოსმენისას მიღებული შთაბეჭდილება.

საქართველოს გენერალური პროკურატურის ინფორმაციით, კანდიდატი დაზარალებულად არ ყოფილა ცნობილი.

საქართველოს საერთო სასამართლოებში წარმოებულ დავებში ფიქრია სიქტურაშვილის მხარედ მონაწილეობის თაობაზე ინფორმაცია ელექტრონული საქმისწარმოების საძიებო სისტემაში ვერ იქნა მოძიებული.

რესპოდენტების შეფასებით, კანდიდატი კორექტულია, კოლეგებსა და სხვა პირებთან ურთიერთობისას, არის კულტურული და თავდაჭერილი, აქვს საკუთარი ემოციების მართვის უნარი. მოძიებული ინფორმაციით დგინდება, რომ კანდიდატის მიმართ სისხლისსამართლებრივი დევნა არ დაწყებულია.

იუსტიციის სკოლის დამოუკიდებელი საბჭოს ინფორმაციით, ფიქრია სიქტურაშვილის მიმართ არ განხორციელებულა დისციპლინური დევნა და არ მიმდინარეობს ადმინისტრაციული სამართალწარმოება.

საჯარო მოსმენისა და ზემოაღნიშნულის გათვალისწინებით მიმაჩნია, რომ კანდიდატი ემოციურად საკმაოდ სტაბილურია, შეუძლია ნებისყოფის მოკრება და თავდაჭერა. მისი პიროვნული და პროფესიული ქცევა შეესაბამება მოსამართლის მაღალ წოდებას.

1.3. პიროვნული და პროფესიული რეპუტაცია

კანდიდატის შეფასებისას გათვალისწინება მისი საქმიანი, მორალური რეპუტაცია და ავტორიტეტი იურიდიულ წრეებსა და საზოგადოებაში.

კანდიდატი კოლეგებს შორის სარგებლობს კარგი რეპუტაციით. მას აქვს განსხვავებული აზრის მოსმენისა და პატივისცემის უნარი. იგი სარგებლობს მაღალი პიროვნული და საქმიანი რეპუტაციით და იმსახურებს დიდ პატივისცემას.

კანდიდატი კეთილსინდისიერების კრიტერიუმის ყველა მახასიათებლით შემოწმებისას შევაფასე სრულად დადებითად. შესაბამისად, მიმაჩნია, რომ ფიქრია სიქტურაშვილი **სრულად აკმაყოფილებს** კეთილსინდისიერების კრიტერიუმს.

2. მოსამართლეობის კანდიდატის შეფასება კომპეტენტურობის კრიტერიუმის მიხედვით.

სამოსამართლო გამოცდილების არმქონე კრიტერიუმით საქართველოს რაიონული (საქალაქო) სასამართლოს მოსამართლის შესარჩევ კონკურსში მონაწილე კანდიდატის შეფასებისას მხედველობაში მიიღება ორგანული კანონის 35^ე მუხლის მე-16 პუნქტით დადგენილი შემდეგი მახასიათებლები: სამართლის ნორმების ცოდნა; სამართლებრივი დასაბუთების უნარი და კომპეტენცია; წერისა და უნარი; ზეპირი კომუნიკაციის უნარი; პროფესიული თვისებები, მათ შორის, ქცევა სასამართლო დარბაზში; აკადემიური მიღწევები და პროფესიული წვრთნა; პროფესიული აქტივობა.

2.1. სამართლის ნორმების ცოდნა

მითითებული მახასიათებლით კანდიდატის შეფასებისას გაითვალისწინება მატერიალური და საპროცესო კანონმდებლობის, ადამიანის უფლებების სამართლის, მათ შორის, ადამიანის უფლებათა ევროპული სასამართლოს პრეცედენტული სამართლის, ცოდნის დონე, აგრეთვე, კანდიდატის მიერ ჩაბარებული მოსამართლეობის საკვალიფიკაციო გამოცდის შედეგები და იუსტიციის უმაღლესი სკოლის დამოუკიდებელი საბჭოს შეფასება.

კანდიდატის მიერ წარმოდგენილი და იუსტიციის უმაღლესი საბჭოს მიერ მოპოვებული ინფორმაციის საფუძველზე, კანდიდატი კარგად ფლობს სამართლის ნორმებს. შეუძლია მოიძიოს და გამოიყენოს ის შიდა თუ საერთაშორისო ნორმა და სასამართლო პრეცედენტი, რომელიც შეეხება მსგავს სამართლებრივ საკითხსა და ფაქტებს. შეუძლია სამართლის ნორმების განმარტება და დადგენილი ფაქტებისადმი მათი მისადაგება. კანდიდატი კარგად ფლობს მატერიალურ და საპროცესო კანონმდებლობას, ადამიანის უფლებების სამართალს, გააჩნია სამართლებრივი საკითხების გააზრების უნარი. ეცნობა კანონმდებლობაში შეტანილ ცვლილებებს და ადამიანის უფლებათა და ძირითად თავისუფლებათა ევროპული სასამართლოსა და საკონსტიტუციო სასამართლო გადაწყვეტილებებს.

საჯარო მოსმენისას იუსტიციის უმაღლესი საბჭოს წევრებმა კანდიდატს დაუსვეს ზოგადი და კონკრეტული სამართლებრივი ხასიათის შეკითხვები. კანდიდატი კარგად ფლობს საქართველოს სამოქალაქო, ადმინისტრაციულ და სისხლის სამართლის როგორც მატერიალურ, ისე საპროცესო სამართლის თეორიულ საფუძვლებს. ასევე საერთაშორისო სამართლებრივ საკითხებს. კანდიდატმა ისაუბრა და გასცა პასუხები სხვადასხვა სისხლის სამართლებრივ შეკითხვებს, მისი მსჯელობა და პასუხები იყო თანმიმდევრული და არაგუმქთირებული, თუმცა ერთ სისხლის სამართლის პროცესიდან დასმულ სამართლებრივ შეკითხვაზე მისი პასუხი იყო არაზუსტი.

კანდიდატმა საინტერესო მსჯელობა განავითარა დისციპლინური მიმართულებით განვითარებულ ცვლილებებთან დაკავშირებით.

- ✓ 1998 - 1999 წლებში გაიარა მოსამართლის თანამშრომლის კურსი;
- ✓ 2004 წელს ჩააბარა პროკურატურის თანამშრომელთა საკვალიფიკაციო გამოცდა;
- ✓ 2005 წლის მარტიდან - 2005 წლის აპრილის ჩათვლით გაიარა უზნის ინსპექტორთა მოსამზადებელი კურსი;
- ✓ 2007 წელს ჩააბარა ადვოკატთა საკვალიფიკაციო გამოცდა;
- ✓ 2023 წელს ჩააბარა მოსამართლეობის საკვალიფიკაციო გამოცდა სისხლის სამართლის სპეციალიზაციაში. 77/15

იუსტიციის უმაღლესი სკოლის შეფასება:

სამოქალაქო სამართალი - ფიქრია სიქტურაშვილს აქვს ძალიან კარგი თეორიული ცოდნა და შესაბამისად ახდენს პრაქტიკაში მის გამოყენებას. მას აქვს სამართლებრივი ანალიზის კარგი უნარი. სამოქალაქო დავათა განხილვის პროცესშიც მსმენელმა წარმოაჩინა სწორი სამართლებრივი არგუმენტების მოძიების, მათი ერთმანეთთან სწორად დაკავშირებისა და შესაბამისი დასკვნის გამოტანის უნარ-ჩვევები.

ადმინისტრაციული სამართალი - ფიქრია სიქტურაშვილს აქვს კარგი თეორიული ცოდნა, რასაც სათანადოდ იყენებს პრაქტიკაში. შეუძლია სამართლებრივი არგუმენტების მოძიება, მათი ერთმანეთთან სწორად დაკავშირება და შესაბამისი დასკვნის გამოტანა. ამასთან, სამომავლოდ, მან უნდა განავითაროს აკადემიური წერის კულტურა.

სისხლის სამართალი - ფიქრია სიქტურაშვილს, აქვს კარგი თეორიული ცოდნა და შესაბამისად ახდენს პრაქტიკაში მის გამოყენებას. აქვს სამართლებრივი ანალიზის კარგი უნარი, არგუმენტირებული და დახვეწილი სამართლებრივი მსჯელობა. შეუძლია სამართლებრივი არგუმენტების ერთმანეთთან სწორად დაკავშირება და შესაბამისი დასკვნის გამოტანა. რეკომენდებულია მან იმუშაოს სემინარული მუშაობისას დაშვებული მცირე შეცდომების გამოსწორებაზე და წერილობითი უნარების უფრო მეტად განვითარებაზე.

2.2. სამართლებრივი დასაბუთების უნარი და კომპეტენცია

აღნიშნული მახასიათებლით კანდიდატის შეფასებისას გაითვალისწინება მისი ანალიტიკური აზროვნების უნარი და პროფესიული გამოცდილება.

კანდიდატის შეფასებისას დავყვრდენი სკოლის შეფასებას: კანდიდატი გამოირჩევა მაღალი ხარისხის სამართლებრივი დასაბუთების უნართა და კომპეტენციით. გააჩნია ანალიტიკური აზროვნების და სასამართლო გადაწყვეტილების დასაბუთების მაღალი სტანდარტი.

საჯარო მოსმენის პროცესზე კანდიდატმა არსებითად სწორად იმსჯელა სხვადასხვა სისხლის სამართლებრივ საკითხზე.

2.3. წერის უნარის და ზეპირი კომუნიკაციის უნარი

კანდიდატის შეფასებისას გაითვალისწინება აზრის ნათლად და გასაგებად გადმოცემის, ლოგიკური მსჯელობისა და ანალიზის უნარი, გამართულად მეტყველების უნარი, სხვისი აზრის მოთმინებით მოსმენის უნარი, დიაღობა, განსხვავებული აზრის მოსმენის შესაძლებლობა და სხვა.

კანდიდატს აქვს განსაკუთრებული წერითი უნარები. წერს გააზრებულად, ნათლად და გასაგებად, მართლწერის წესების დაცვით. მეტყველებს სალიტერატურო ენით, გამართულად, მკაფიოდ და გასაგებად გადმოსცემს აზრს. წერისას არის ლოგიკური, დეტალებზე ორიენტირებული, ხოლო მეტყველებისას მშვიდი, თავდაჯერებული. წერს გამართულად, მის მიერ შედგენილი სამართლებრივი დოკუმენტები არის დეტალებზე ორიენტირებული და გამოირჩევა მაღალი კვალიფიკაციით.

გასაუბრებიდან ჩანს, რომ კანდიდატი აზრს გადმოსცემს ნათლად და გასაგებად, ფლობს კომუნიკაციის სათანადო უნარებს. კანდიდატმა საჯარო მოსმენის პროცესზე გამოავლინა კარგი კომუნიკაციის, გამართულად მეტყველების, სხვისი აზრის მოთმინებით მოსმენის უნარი. კანდიდატი საუბრობს მშვიდად, გაწონასწორებულად, აზრს გადმოსცემს ნათლად და გასაგებად.

2.4. პროფესიული თვისებები

აღნიშნული მახასიათებლით კანდიდატის შეფასებისას გაითვალისწინება მისი პუნქტუალობა, შრომისმოყვარეობა, დამოუკიდებელი აზროვნების უნარი, სტრესულ სიტუაციაში მუშაობის უნარი, მიზანდასახულობა, პროდუქტიულობა და სისწრაფე, მენეჯერული უნარ-ჩვევები და სხვა.

რეკომენდატორები კანდიდატს ახასიათებენ პასუხისმგებლიან, პუნქტუალურ და შრომისმოყვარე პიროვნებად, რომელსაც აქვს სტრესულ და დატვირთულ სამუშაო ვითარებაში პროდუქტიული მუშაობის უნარი.

საქართველოს იუსტიციის უმაღლესი სკოლის დამოუკიდებელი საბჭო, რეკომენდატორები და სხვა გამოკითხული პირები მიიჩნევენ, რომ კანდიდატი გამოირჩევა პასუხისმგებლობის მაღალი გრძნობით და მოწესრიგებულობით.

2.5. აკადემიური მიღწევები და პროფესიული წვრთნა

მითითებული მახასიათებლით კანდიდატის შეფასებისას გაითვალისწინება სიახლეების მიმართ მისი ღიაობა, თვითგანვითარების უნარი, საოფისე კულტურა, ახალი ცოდნისა და უნარების შეძენის ინტერესი, პროფესიული წვრთნის პროგრამებში მონაწილეობა, შეძენილი ცოდნისა და უნარების პრაქტიკულ საქმიანობაში გამოყენება და სხვა. ფიქრია სიქტურაშვილმა მონაწილეობა მიიღო შემდეგ ღონისძიებებში:

- ✓ 2020 წლის 01 ოქტომბერი - ადამიანის უფლებათა ევროპული სასამართლოს, ევროკავშირის სამართლიანობის სასამართლოსა და საქართველოს საკონსტიტუციო სასამართლოს დასაბუთების სტანდარტების მიმოხილვა- დამოუკიდებელი ინსპექტორის სამსახური;
- ✓ 2020 წლის 13 ოქტომბერი - მიუკერძოებლობისა და დისკრიმინაციის საკითხებზე ამერიკული და ქართული პრაქტიკის მიმოხილვა - დამოუკიდებელი ინსპექტორის სამსახური;
- ✓ 2021 წლის 3 ნოემბერი - ინტერპრეტაციის თეორიებისა და სამართლის ნორმების გადაწყვეტილებებში გამოყენების პრაქტიკულ ასპექტები - დამოუკიდებელი ინსპექტორის სამსახური;
- ✓ 2021 წლის 27 სექტემბერი - დისციპლინური სამართალწარმოების საერთაშორისო სტანდარტები და სამართლიანი სასამართლოს უფლება, სოციალურ ქსელში მოსამართლის აქტიურობა და გამოხატვის თავისუფლება, თანასწორობის პრინციპის დარღვევა და მოკვლევის პრინციპები - დამოუკიდებელი ინსპექტორის სამსახური;
- ✓ 2022 წლის 21-25 იანვარი - კომუნიკაციისა და გუნდური მუშაობის საკითხების მიმოხილვა - დამოუკიდებელი ინსპექტორის სამსახური და სხვა.

2.6. პროფესიული აქტივობა

პროფესიული აქტივობის მახასიათებლით კანდიდატის შეფასებისას გაითვალისწინება ინიციატივის გამოჩენის უნარი, იდეებისა და წინადადებების წამოყენება, სამეცნიერო და

სხვა სახის პუბლიკაციები, დამსახურება იურიდიული პროფესიისა და საზოგადოების წინაშე და სხვა.

მოძიებული ინფორმაციის თანახმად, ფიქრია სიქტურაშვილი აქტიურად მონაწილეობს სამართლებრივი სისტემისა და მართლმსაჯულების საკითხებზე გამართულ დისკუსიებსა და შეხვედრებში, სადაც საკუთარ პოზიციას გამოხატავს ღიად. კანდიდატი არ ეწევა პედაგოგიურ საქმიანობას, თუმცა 2001 - 2002 წლებში იყო სამართალმცოდნეობის მასწავლებელი - თბილისის მრავალპროფილიან სკოლა-ლიცეუმ "მწიგნობარში". ასევე 2002 - 2003 წლებში იყო საკონსტიტუციო სამართლის ლექტორი - თბილისის ბიზნესისა და საგარეო ურთიერთობების ინსტიტუტში.

კანდიდატის შემაჯამებელი შეფასება:

ფიქრია სიქტურაშვილი სრულად აკმაყოფილებს კეთილსინდისიერების კრიტერიუმს, ხოლო კომპეტენტურობის კრიტერიუმით შეფასებისას კანდიდატს ვაფასებ **87** ქულით, რაც მაქსიმალურ ქულათა ჯამის **(100 ქულა) 87%** შეადგენს.

ირაკლი ბონდარენკო



საქართველოს იუსტიციის უმაღლესი საბჭოს წევრი

7.07.2025 წელი